

CABINET

Cofnodion cyfarfod o'r Cabinet a gynhaliwyd yn Ystafell Bwyllgor 1a, Neuadd y Sir, Rhuthun, Dydd Mawrth, 29 Hydref 2013 am 10.00 am.

YN BRESENNOL

Y Cynghorwyr Hugh Evans (Cadeirydd), Julian Thompson-Hill, Eryl Williams, Bobby Feeley, Hugh Irving, Huw Jones, Barbara Smith a/ac David Smith

Arsylwyr: Councillors Brian Blakeley, Joan Butterfield, Jeanette Chamberlain-Jones, Bill Cowie, Meirick Lloyd Davies, Richard Davies, Pat Jones, Gwyneth Kensler, Margaret McCarroll, Jason McLellan, Merfyn Parry, David Simmons and Cheryl Williams

HEFYD YN BRESENNOL

Y Prif Weithredwr (MM), Cyfarwyddwr Corfforaethol: Uchelgais Economaidd a Cymunedol (RM), Cyfarwyddwr corfforaethol: Moderneiddio a Lles (SE), Pennaeth Gwasanaethau Cyfreithiol a Democrataidd (GW), Pennaeth Addysg (KE), Pennaeth Cwsmeriaid a Chymorth Addysg (JW), Pennaeth Cyllid ac Asedau (PMc), Rheolwr Rhaglen (JC) a Gweinyddwr Pwyllgorau (SLW)

Esgob Wrecsam, y Gwir Anrh. y Parchedig Monsignor Peter Brignall a Rita Price, Cyfarwyddwr Addysg, Esgobaeth Gatholig Wrecsam
Esgob Llanelwy, y Gwir Anrh. y Parchedig Dr Gregory Cameron a Michael Carding, Ymgynghorydd Ysgol Uwchradd Esgobaeth Llanelwy, ar gyfer yr eitem ar Ddarpariaeth yn Seiliedig ar Ffydd (Rhif 5).

CROESO

Estynnodd yr arweinydd groeso cynnes i aelodau'r cyhoedd a oedd yn bresennol i glywed y drafodaeth am gynigion am ddarpariaeth ffydd.

Croesawodd yr Arweinydd Esgob Llanelwy ac Esgob Wrecsam ynghyd â'u swyddogion, Michael Carding a Rita Price i'r cyfarfod.

Eglurodd yr Arweinydd y byddai cwestiynau gan aelodau'r Cabinet yn cael eu caniatáu yn y lle cyntaf. Yna byddai Cynghorwyr sy'n mynychu'r cyfarfod fel sylwedyddion yn cael cyfle i ofyn cwestiynau. Ni chaniateir i aelodau o'r cyhoedd ofyn cwestiynau. Cadarnhaodd Pennaeth Gwasanaethau Cyfreithiol a Democrataidd rheolau gweithdrefn y Cabinet fel y nodir yn y cyfansoddiad.

1 YMDDIHEURIADAU

Derbyniwyd ymddiheuriadau am absenoldeb oddi wrth y Cynghorwr(wyr)

2 DATGAN CYSYLLTIAD

Ni ddatganwyd cysylltiad personol na rhagfarnllyd gan unrhyw un.

3 MATERION BRYD

Ni chafwyd unrhyw fater bryd.

DEISEB

Rhoddodd y Cyngorydd Richard Davies ddeiseb i'r Arweinydd sydd wedi ei llofnodi gan Ysgol y Santes Ffraid.

4 COFNODION

Cyflwynwyd cofnodion cyfarfod y Cabinet a gynhaliwyd ar 24 Medi 2013.

***PENDERFYNWYD** y dylid cymeradwyo cofnodion y cyfarfod a gynhaliwyd ddydd Mawrth 24 Medi, 2013 fel cofnod cywir.*

5 DARPARIAETH YN SEILIEDIG AR FFYDD

Cyflwynodd y Cyngorydd Eryl Williams adroddiad, wedi ei gylchredeg yn flaenorol, a oedd yn nodi canfyddiadau'r ymgynghoriad ffurfiol ynglŷn â'r adolygiad ffydd ac yn gofyn i'r Cabinet ystyried a ddylid symud ymlaen a chyhoeddi'r cynnig trwy gyfrwng hysbysiad statudol.

Rhoddodd y Cyngorydd Williams gefndir i'r sefyllfa a thynnodd sylw at yr angen am ddull strategol a chydlynol.

Gofynnodd yr Arweinydd i Esgob Llanelwy ac Esgob Wrecsam fynegi eu barn ynghylch y Ddarpariaeth yn Seiliedig ar Ffydd.

Diolchodd Esgob Llanelwy, y Gwir Barchedig Dr Gregory K Cameron, am y cyfle a roddwyd i Esgobaeth Llanelwy fod yn hyrwyddwr ar gyfer ysgol ffydd sengl newydd yn Sir Ddinbych. Byddai'r weledigaeth yn un ar gyfer ysgol ffydd a rennir i ddinasyddion Sir Ddinbych. Ailadroddodd yr Esgob ei fod yn credu mewn rhagoriaeth mewn addysg ac y byddai'r cynllun yn gyfle i adeiladu rhywbeth gwych ac i ddiwallu holl anghenion y gymuned. Anogodd Esgob Llanelwy'r aelodau Cabinet i dderbyn yr adroddiad.

Diolchodd Esgob Wrecsam, y Gwir Barchedig Monsignor Peter Brignall, hefyd am y cyfle i gyflwyno a chefnogi'r ddarpariaeth cyn i'r adroddiad gael ei gyflwyno gerbron y Cabinet. Mae Esgobaeth Wrecsam wedi bod yn ddarparwyr addysg uwchradd yn Sir Ddinbych ers hanner canrif. Soniodd yr Esgob am lwyddiant y broses o newid Ysgol Sant Joseff yn Wrecsam yn ysgol ffydd ar y cyd. Byddai'r ysgol ffydd ar y cyd yn gyfle i ddarparu'r addysg orau i'r teuluoedd hynny sy'n dewis addysg ffydd, beth bynnag yw eu crefydd. Fel darparydd presennol, gobeithir y bydd addysg ffydd yn parhau i gael ei darparu, nid yn unig mewn rhan o'r sir ond ar gyfer dalgyrch cyfan ysgolion Sir Ddinbych. Mae Esgob Wrecsam yn cefnogi Esgob Llanelwy a'i

ymrwymiad i addysg yn seiliedig ar ffydd ar gyfer y genhedlaeth hon o bobl ifanc a'r cenedlaethau i ddod.

Yn ystod y drafodaeth eglurwyd mai cam dros dro oedd Cam 1 y cynllun. Ond, yn ystod ymgynghori, roedd pryderon o ran diffyg cefnogaeth budd-ddeiliaid allweddol i Gam 1. Roedd modd datblygu Cam 1 ond roedd perygl y byddai hynny'n cael effaith negyddol ar safonau. Roedd hi'n hollbwysig nad oedd safonau yn llithro'n ôl. Gan fod hwn wedi bod yn fater o ddarparu gweithredol, yn sgil canlyniad yr ymgynghoriad, penderfynwyd canolbwyntio ar ddarparu un ysgol Gristnogol ar un safle. Yn y cyfamser, bydd Sir Ddinbych yn parhau i gefnogi pob ysgol.

Mae Ysgol Uwchradd y Bendigaid Edward Jones ar gyfer disgyblion 11-16 oed. Mae Ysgol y Santes Ffraid ar gyfer disgyblion 3-19 oed. Eglurwyd yn ystod y cyfarfod y byddai ystod oedran yr ysgol newydd yn derbyn mwy o ystyriaeth yn ystod Cam 2 y cynllun. Byddai'r ddarpariaeth gynradd a'r ddarpariaeth ôl-16 yn cael eu hystyried.

Bydd achos busnes yn cael ei lunio gyda'r dewisiadau a'r costau cysylltiedig. Mae cyllid o £28 miliwn wedi ei gytuno arno mewn egwyddor. Ni fyddai darparu dau gyfleuster yn gwneud y defnydd gorau o'r cyfleusterau gan y byddai hynny'n llawer mwy costus. Bydd hyn yn cael ei ddangos yn yr achos busnes. Os bydd yr achos busnes a gyflwynwyd yn costio mwy na'r cais, yna byddai'n rhaid i swyddogion ddod yn ôl at yr aelodau i dderbyn penderfyniad sydd o fewn y cyllid sydd ar gael.

Yn ystod Cam 2 o'r cynllun a drwy weithio gyda'r hyrwyddwyr, byddai'r trafodaethau'n canolbwyntio i ddechrau ar gadarnhau ystod oed, maint a lleoliad yr ysgol newydd. Byddai'r trafodaethau hyn hefyd yn cynnig ystyriaeth lawn o'r dewisiadau o ran y modd y byddai'r galw am addysg ffydd oed cynradd yn cyfateb â'r ddarpariaeth Uwchradd. Mae chwe safle posibl i'w hystyried. Byddai'r cynlluniau cychwynnol yn cael eu datblygu er mwyn galluogi rhieni i gael syniad o edrychiad yr ysgol newydd.

Roedd Ysgol y Bendigaid Edward Jones dan awdurdod Esgobaeth Gatholig Wrecsam ac roedd yn cynnig Addysg Gatholig gan gynnwys derbyn Archwiliadau Adran 50 sy'n adrodd ar addysg grefyddol, cydaddoli, addysg ysbrydol, foesol, cymdeithasol a diwylliannol y plant ac ethos yr ysgol. Roedd Ysgol y Santes Ffraid wedi ei dynodi'n ysgol sy'n Gatholig o ran ei chymeriad crefyddol. Fodd bynnag, roedd yr ysgol dan reolaeth Ymddiriedolaeth y Santes Ffraid ac nid oedd wedi ei chydnabod yn ffurfiol gan Awdurdod yr Esgobaeth Gatholig ac nid oedd yn derbyn Archwiliad Adran 50. Nid yw dynodi cymeriad crefyddol yn pennu a yw ysgol yn ysgol yr Eglwys Gatholig ai peidio yn ôl cyfraith ganonaidd.

Eglurodd Esgob Wrecsam bod Ysgol y Bendigaid Edward Jones wedi ei sefydlu'n wreiddiol ar gyfer Sir Ddinbych ac nid ar gyfer darparu ysgol Gatholig ar gyfer y Rhyl yn unig.

Darllenodd y Cynghorydd Brian Blakely ddatganiad i'r wasg ar ran cynghorwyr y Rhyl. Mynegodd eu cefnogaeth i'r cynllun ar gyfer ysgol newydd ond eu bod yn dymuno i'r ysgol gael ei hadeiladu yn agos at y Rhyl.

Crynhodd y Prif Weithredwr y trafodaethau.

Diolchodd yr Arweinydd i'r Gwir Barchedig Dr Gregory K Cameron, Esgob Llanelwy a'r Gwir Barchedig Monsignor Peter Brignall, Esgob Wrecsam am gymryd yr amser i fynychu cyfarfod y Cabinet a chynorthwyo i greu gweledigaeth ar gyfer y dyfodol.

PENDERFYNWYD bod y Cabinet yn:

- (i) *Nodi canfyddiadau'r ymgynghoriad ffurfiol i gau Ysgol Uwchradd Gatholig y Bendigaid Edward Jones ac Ysgol y Santes Ffraid ac i agor ysgol newydd;*
- (ii) *Cadarnhau'r ymrwymiad tuag at weithio mewn partneriaeth ag Awdurdodau Esgobaethol yr Eglwys Gatholig a'r Eglwys yng Nghymru i ddarparu ysgol newydd sy'n seiliedig ar ffydd;*
- (iii) *Cytuno i ddatblygu cynnig i alluogi ymgynghori ffurfiol ar gyfer adeiladu ysgol seiliedig ar ffydd newydd yn lle Ysgol Uwchradd Gatholig y Bendigaid Edward Jones ac Ysgol y Santes Ffraid.*

Ar y pwynt hwn (11.30am) cafwyd egwyl o 15 munud.

Ailddechreuodd y cyfarfod am 11.45am.

6 YMGYNGHORIAD FFURFIOL - YSGOL LLANBEDR

Eglurodd yr Arweinydd y byddai cwestiynau gan aelodau'r Cabinet yn cael eu caniatáu yn y lle cyntaf. Yna byddai Cynghorwyr sy'n mynychu'r cyfarfod fel sylwedyddion yn cael cyfle i ofyn cwestiynau. Ni chaniateir i aelodau o'r cyhoedd ofyn cwestiynau. Cadarnhaodd Pennaeth Gwasanaethau Cyfreithiol a Democrataidd rheolau gweithdrefn y Cabinet fel y nodir yn y cyfansoddiad.

Cyflwynodd y Cynghorydd Eryl Williams adroddiad, wedi'i gylchredeg yn flaenorol oedd yn diweddar Aelodau'r Cabinet ynglŷn â'r trafodaethau gydag Awdurdod Esgobaethol yr Eglwys yng Nghymru yn ymwneud ag arolwg ysgolion cynradd Rhuthun a'r cynnig i gau Ysgol Llanbedr.

Cynhaliwyd cyfarfod gyda Swyddogion Addysg o Awdurdod yr Esgobaeth ar 25 Medi i drafod y cynnig hwn a'r materion ehangach sy'n effeithio ar Ysgol Llanfair ac Ysgol Borthyn.

O safbwynt y cynnig arwyddocaol hwn, y canlyniad oedd na ddaethpwyd i gytundeb rhwng Sir Ddinbych ac Esgobaeth Llanelwy ynglŷn â chau Ysgol Llanbedr. Os bydd y cynnig yn mynd yn ei flaen, bydd y Cyfarwyddwr, ar ran yr Esgobaeth, yn gwneud ymateb ffurfiol, ar ôl ymgynghori eto â'r Bwrdd Addysg.

Rhagwelwyd y byddai'r Ymgynghoriad ar y cynnig i gau Ysgol Llanbedr yn cael ei gynnal rhwng 11 Tachwedd 2013 a 23 Rhagfyr 2013. Byddai'r broses ymgynghori yn rhoi cyfle i rieni, disgyblion, llywodraethwyr a staff, wneud sylwadau ar y cynigion

cyn y byddai penderfyniad yn cael ei wneud gan y Cabinet ar p'un ai dylid bwrw ymlaen a chyhoeddi'r cynigion yn ffurfiol.

Gofynnodd y Cyngorydd Huw Williams sawl cwestiwn ar ran Ysgol Llanbedr. Cafwyd trafodaeth ddwys lle darparwyd yr ymatebion canlynol:

- Ar adeg cwblhau'r adroddiad, roedd yr awdurdod wedi prosesu 4 o geisiadau ar gyfer y dosbarth Derbyn a 5 cais ar gyfer darpariaeth Feithrin. Y dyddiad cau ar gyfer ceisiadau meithrin a derbyn yw 29 Tachwedd 2013 a 21 Chwefror 2014 yn y drefn honno.
- Nodwyd yn flaenorol mai'r cyfanswm lleoedd yn adeilad parhaol yr ysgol yw 77. Roedd hyn yn cynnwys 54 o leoedd Parhaol a 23 o leoedd mewn dosbarth symudol. Mae'r Corff Llywodraethu wedi cyflwyno sylwadau y dylid symud y ddarpariaeth symudol o'r ysgol, felly cyfrifwyd mai nifer y lleoedd i ddisgyblion llawn amser yw 54.
- Er bod rhagamcaniadau disgyblion yn dangos cynnydd yn niferoedd y disgyblion dros y blynyddoedd i ddod a fyddai'n lleihau nifer y lleoedd dros ben yn yr ysgol, byddai Ysgol Llanbedr yn parhau i fod yn "ysgol fach" a byddai materion yn parhau ynghylch cynaliadwyedd a hyfywedd Ysgol Llanbedr a safonau addysg a chyrhaeddiad yn y dyfodol.
- Mae ysgolion bychain yn aml yn golygu dosbarthiadau oedran cymysg. Roedd posiblwydd y gallai blynyddoedd 4, 5 a 6 gael eu haddysgu mewn un dosbarth. Mae'r awdurdod yn adolygu p'un ai yw ysgol o'r maint hwn yn darparu amgylchedd dysgu addas.
- Mae modd i 21 o ddisgyblion sy'n mynychu Ysgol Llanbedr gael eu symud i Ysgol Borthyn gan fod ganddynt gapasiti ychwanegol ar gyfer 31 o ddisgyblion.
- Mae polisi cludiant y sector cynradd yn nodi y gall plentyn sy'n byw mwy na 2 filltir o'u hysgol agosaf neu ar hyd llwybr anniogel dderbyn cludiant am ddim i'r ysgol gan y Cyngor. Os yw rhieni yn dewis ysgol arall yna byddai'n rhaid iddynt hwy dalu am y cludiant.
- O fewn y Cynllun Datblygu Lleol, mae cynlluniau ar gyfer datblygu 80 o gartrefi newydd yn Llanbedr. Mae polisi mynediad Ysgol Llanbedr yn cyfyngu nifer y disgyblion i 54.
- Yn y pen draw, bydd holl ysgolion Sir Ddinbych sydd â chynhwysedd o lai na 80 o ddisgyblion yn cael eu hadolygu. Mae'r model hwn wedi ei darparu gan Estyn i edrych ar p'un ai yw ysgolion sydd â llai na 80 o ddisgyblion yn hyfyw.
- Cafwyd trafodaethau hefyd ynghylch a fyddai'r feithrinfa breifat yn aros yn Ysgol Llanbedr.

Gofynnodd y Cyngorydd Huw Williams am gael gohirio'r trafodaethau ynglŷn ag Ysgol Llanbedr ac i ystyried Ffederasiwn.

Dywedodd Pennaeth Cwsmeriaid a Chymorth Addysg na fyddai Ffederasiwn yn mynd i'r afael â lleoedd dros ben.

Crynhodd y Prif Weithredwr y trafodaethau a chadarnhaodd nad oedd y Cabinet yn gwneud penderfyniad heddiw ar gau Ysgol Llanbedr. Yn hytrach bydd y Cabinet yn

gwneud penderfyniad ar p'un ai y dylid cymeradwyo cynnal ymgynghoriad ffurfiol ar y cynigion i gau Ysgol Llanbedr ai peidio.

PENDERFYNWYD bod y Cabinet yn cytuno i gymeradwyo ymgynghoriad ffurfiol ar gyfer cynigion i gau Ysgol Llanbedr ar 31 Awst 2014 gyda'r disgyblion presennol yn trosglwyddo i Ysgol Borthyn, yn amodol ar ddewis y rhieni, ac yn amodol ar gasgliadau'r trafodaethau gyda'r Eglwys yng Nghymru.

Ar y pwynt hwn (1.00pm) cafwyd egwyl o 5 munud.

Ailddechreuodd y cyfarfod am 1.05pm.

7 DIWEDDARIAD YNGLŶN Â'R ADRODDIAD ARIANNOL

Cyflwynodd y Cyng. J. Thompson Hill yr adroddiad, a gylchredwyd yn flaenorol, a oedd yn rhoi'r wybodaeth ddiweddaraf ar sefyllfa ariannol bresennol y Cyngor a'r cynnydd yn erbyn strategaeth y gyllideb y cytunwyd arni.

PENDERFYNWYD y dylai'r Cabinet nodi'r cynnydd yn erbyn strategaeth y gyllideb y cytunwyd arni.

8 EITHRIO RHAG TENDRO GIFT

Cyflwynodd y Cynghorydd Bobby Feeley yr adroddiad, a gylchlythyrwyd yn flaenorol, oedd yn gofyn am gymeradwyaeth y Cabinet i'r Eithriad Tendir GIFT ac i ddyfarnu'r contract.

PENDERFYNWYD bod aelodau'r Cabinet yn cymeradwyo'r eithriad tendr GIFT ac i ddyfarnu'r contract i'r Wallich, y darparwr presennol.

9 RHAGLEN GWAITH I'R DYFODOL Y CABINET

Cyflwynodd y Cynghorydd H. H. Evans Rhaglen Gwaith i'r Dyfodol Cabinet.

Cytunodd y Cabinet ar y canlynol:

- Ychwanegu Achos Busnes Caffael ar gyfer gwasanaeth cyfunol rhwng Sir Ddinbych a Sir y Fflint, a oedd wedi ei drefnu ar gyfer mis Tachwedd, at raglen 14 Ionawr 2013
- Tynnu Lleoedd Llewyrchus Llawn Addewid – Cais Ariannu ar gyfer Prosiectau Canol Tref y Rhyl o raglen mis Tachwedd.

PENDERFYNWYD bod y Cabinet yn derbyn y Rhaglen Gwaith i'r Dyfodol ar ôl gwneud y diwygiadau y cytunwyd arnynt.

Daeth y cyfarfod i ben am 1.35pm.